

## Johnson & Johnson COVID-19 ویکسین دے بارے اپ ڈیٹ

ویکسین توں متعلقہ ممکنہ صحت دے رولے دی تفتیش لئی ورت وچ ماڑے جئے وقفے دے بعد نیویارک شہر وچ 18 وریاں یا ایہدے توں ودھ عمر لوکاں لئی Johnson & Johnson COVID-19 ویکسین دستیاب اے۔ نیویارک محکمہ صحت اتے ذہنی حفظان صحت (NYC محکمہ صحت) نوں Johnson & Johnson ویکسین اتے COVID-19 دیاں بور منظور شدہ ویکسینز دے محفوظ اتے موثر ہون تے اعتماد اے۔ اپنے آپ نوں، اپنے پیاریاں نوں اتے اپنی کمیونٹی نوں COVID-19 توں محفوظ رکھن وچ ویکسینیشن سب توں اہم اقدام اے جیہڑا تسی کر سکتے او۔

### Johnson & Johnson ویکسین دی ورت وچ ماڑا جیہا وقفہ کیوں سی؟

13 اپریل 2021 نوں، ہماری تے قابو اتے روک تھام دے مراکز (Centers for Disease Control and Prevention, CDC) اتے خوراک اتے ادویات دی انتظامیہ (Food and Drug Administration, FDA) نے ویکسین لوان آلے چھ لوکاں وچ نایاب لہو جمن دیاں اطلاعات دے پیش نظر Johnson & Johnson ویکسین دی ورت نوں عارضی طور تے روکن دی تجویز دتی سی۔ کیسز دی شناخت CDC اتے FDA دے ویکسین دے حفاظتی معائنہ کاری دے سسٹم دے ذریعے ہوئی سی۔ ویکسین دی ورت نوں روک دتا گیا سی تاں جے اضافی جانکاری نوں جمع کر لیا اتے جائزہ لے لیا جاوے۔

### تفتیش نے کیی ظاہر کیتا؟

21 اپریل 2021 نوں، جیدوں دی ایہہ منظور ہوئی اے انداز 8 ملین لوکیں جیناں نے Johnson & Johnson ویکسین لوائی اے اونہاں وچوں لہو وچ گھٹ پلیٹلیٹس نال لہو جمن دی نایاب قسم دے 15 کیسز رپورٹ ہوئے۔ ایہہ حالت تھرومبوسائٹوپینیا (لہو وچ پلیٹلیٹس دی گھٹ تعداد) سنڈروم (thrombosis with thrombocytopenia syndrome, TTS) نال تھرومبوسسز (لہو جمن) کہلاندی اے۔ TTS دے رپورٹ شدہ سارے کیسز 18 توں 59 وریاں دی عمر دیاں زنانیاں دے سن، جیناں وچ علامتاں ویکسین لوان دے چھ توں 15 دناں وچ ظاہر ہویاں سن۔ جیناں نے ویکسین لوائی اونہاں وچ 18 توں 49 وریاں دیاں اک ملین زنانیاں وچوں TTS دے سات کیسز اتے 50 وریاں اتے ایہدے توں ودھ عمر دیاں اک ملین زنانیاں وچ اک توں وی گھٹ کیس دی ایہدی شرح اے۔ ویکسین دے طبی ٹرائل وچ اک مرد شراکت دار وچ وی TTS دا اک کیس ظاہر ہویا۔

### CDC اتے FDA ویکسین دی ورت بارے کیی تجویز کردے نیں؟

CDC اتے FDA تجویز کردے نیں کہ Johnson & Johnson ویکسین 18 وریاں یا ایہدے توں ودھ عمر دے لوکاں نوں دینا جاری رکھو۔ ایہہ فیصلہ مدافعتی عملات تے مشاورتی کمیٹی دی تجویز تے مبنی اے، طبی اتے عوامی صحت دے ماہراں دا اک خود مختار گروہ جینے دستیاب ڈیٹا اتے جانکاری دا جائزہ لیا، اتے فائیدیاں دے مقابلے وچ ویکسین لوان دے ممکنہ خطریاں دا موازنہ کیتا۔ لوکیں جیہڑے ویکسین لواندے نیں، خاص طور تے 50 وریاں توں گھٹ عمر دیاں زنانیاں، اونہاں نوں TTS دے نایاب پر ودھ خطرے توں آگاہ ہونا چاہیدا اے اتے ایہدے توں وی کہ COVID-19 ویکسین دے بور انتخاب موجود نیں جیناں وچ ایہہ خطرہ نہیں ویکھیا گیا۔

### ایس حفاظتی رولے دے باوجود نیویارک شہر اینوں فیر وی کیوں ورت رہیا اے؟

TTS دا خطرہ بہت گھٹ اے، اتے ویکسین شدید ہماری، ہسپتال وچ داخلے اتے COVID-19 دے کارن موت دی روک تھام وچ بہت موثر اے۔ ہن جیدوں اسی خطرے بارے جانندے آں، تے اسی اونہاں لوکاں نوں جیہڑے Johnson & Johnson ویکسین لوا رہے نیں اونہاں نوں TTS دیاں ممکنہ علامتاں دی شناخت کرن اتے فوری نگہداشت حاصل کرن لئی درکار جانکاری دے سکتے آں۔ صحت دی نگہداشت دے فراہم کار وی ہن ایس خطرے توں آگاہ نیں، جیدا مطلب اے کہ Johnson & Johnson ویکسین لوان دے بعد اوہ اونہاں مریضاں دی تشخیص اتے علاج کر سکتے نیں جیہڑے TTS دا شکار ہوں۔ کوئی وی دوائی، تھیراپی یا ویکسین 100% خطرے توں پاک نہیں۔

## جے میں Johnson & Johnson ویکسین دا انتخاب کردا آں، تے کیی کوئی اضافی احتیاطاں نیں جیڑیاں مینوں کرناں چاہیدیاں نیں؟

جد کہ Johnson & Johnson ویکسین توں تہانوں TTS ہون دا خطرہ بہت گھٹ اے، پر ویکسین لوان توں  
تین ہفتیاں بعد تیکر تہانوں ممکنہ علامتاں لئی اپنے آپ تے نظر رکھنی چاہیدی اے، جیڈاں کہ:

- ساہ لین وچ اوکڑاں
- چھاتی وچ پیڑ
- لت وچ سوج
- لمے چیر دی ڈھیڈھ پیڑ
- شدید یا لمی سر پیڑ
- دھندلا نظر آنا
- چھیتی زخم ہونا
- ٹیکہ لگن دی تہاں توں علاوہ جلد دے  
تھلے نکے لال دھبے

جے ویکسین لوان دے تین ہفتیاں وچ تہانوں ایناں وچوں کوئی وی علامتاں ظاہر ہوندىاں نیں، تے فوری طور  
تے طبی نگہداشت حاصل کرو۔ قریبی ہسپتال جاؤ یا **911** تے کال کرو۔ معالج نوں دسو کہ ٹسی  
Johnson & Johnson ویکسین لوائی اے۔

ایدے برعکس، ویکسین لوان دے بعد عمومی مضر اثرات وچ بانہہ تے ٹیکہ لوان آلی تہاں تے پیڑ اتے  
سوج، تھکاوٹ، ماڑی جئی پیڑ، ٹھنڈ، ماڑی جئی سر پیڑ یا بولا جیا تاپ شامل نیں۔ ایہہ متوقع مضر اثرات  
نیں اتے عمومی طور تے ویکسین لوان دے بعد پہلے تین دنوں وچ ظاہر ہوندے نیں (ویکسین لوان دے بعد  
آلے دن سب توں عمومی ہوندے نیں) اتے عمومی طور تے شروع ہون دے اک توں دو دنوں تیکر رہندے  
نیں۔

## کیی COVID-19 دیاں بور ویکسینز توں TTS دا خطرہ لاحق اے؟

امریکہ وچ 200 ملین ویکسین دیاں ڈوزز لان توں بعد TTS نوں Pfizer-BioNTech اتے Moderna COVID-19  
ویکسینز نال ہون دا کوئی واقع نہیں ویکھیا گیا۔ اسی پُر زور حوصلہ افزائی کردے آں کہ اوہ لوکیں جیہڑے  
Johnson & Johnson ویکسین نہیں لوانا چاہندے اوہ ایہناں دو وچوں کسے اک بارے سوچن۔

نیویارک شہر وچ ویکسین لوان دیاں سواں سائٹس دستیاب نیں۔ ویکسین لوان دی سائٹ (بر سائٹ تے  
پیش کیتیاں جان آلیاں ویکسین فہرست شدہ نیں) لہن لئی [vaccinefinder.nyc.gov](http://vaccinefinder.nyc.gov) ملاحظہ کرو یا  
شہر ولوں چلائی جان آلی سائٹ تے اپائنٹمینٹ حاصل کرن وچ مدد لئی 877-829-4692 تے کال کرو۔  
بہت ساریاں سائٹس بُن اپائنٹمینٹ بنا (واک ان) وی ویکسین فراہم کر ریاں نیں۔ شہر ولوں چلائییاں جان  
آلیاں واک ان سائٹس دی فہرست لئی [ایتھے](#) ویکھو۔

## اسی کیداں جانیے کی دوجیاں ویکسین نال کوئی خطرے لاحق نہیں؟

COVID-19 ویکسینز FDA، CDC، اتے بور گروپس ولوں انتہائی محفوظ معائنہ کاری توں لنگھ ریاں نیں۔  
امریکہ وچ ویکسین دیاں ملین ڈوزز وچوں TTS دی ماڑی جئی تعداد دی شناخت اتے Johnson &  
Johnson ویکسین وچ وقفہ ظاہر کردا اے کہ حفاظت دا سسٹم کم کر ریا اے اتے حفاظت اتے شفافیت  
اولین ترجیح نیں۔ اسی ویکسینز بارے جانکاری نوں شیئر کرن لئی پُر عزم آں، بشمول کوئی وی ممکنہ  
حفاظتی رولے۔

## میں بور جانکاری کیتھوں لے سکدا آں؟

جے تہاڈے کوئی وی سوال نیں، تے میربانی کر کے اپنے فراہم کار یا **311** نوں کال کرو۔ COVID-19 دی  
ویکسین بارے جانکاری اتے ذرائع لئی، [nyc.gov/covidvaccine](http://nyc.gov/covidvaccine) ملاحظہ کرو۔ FDA دی نظر ثانی شدہ  
Johnson & Johnson ویکسین دی مریضاں دے حقائق دی شیٹ [ایتھے](#) لہو سکدی اے۔ اضافی جانکاری  
CDC دی ویب سائٹ تے [ایتھے](#) دستیاب اے۔